

**DE QUADRAGESIMAE
IEIUNIO, DIE CINERUM, AD
SANCTISSIMUM
DOMINUM NOSTRUM
CLEMENTEM 8. PONT...**

Giacomo Vacchedano

Imprimatur.

*Si videbitur Reuerendiss. Magistro Sacri Palatij. P. Episc.
Raellen. Vicesg.*

Imprimatur.

Fr. Io. Baptista Lancius Regiensis Sacri Palatij Magister.



SANCTISSIMO,
BEATISSIMO PATRI,
ET DOMINO NOSTRO
CLEMENTI VIII.
PONT. MAX.
Iacobus Vacchedanus Presbyter.



*Q*UAE dicta sunt à me de quadragesimae ieiunio in monte Auentino apud Sacrum Apostolicum Senatum, tam benignè tuis auribus accepta, Beatissime Pater, praesulgenti nomini tuo inscripta, in vulgus nunc exeunt: ut si cuiquam ad salutem animae conducere videntur, in manibus esse possint. Quantula ea cunque sint, maiora non habens, summa voluntate, supplex ad Sacros pedes abiectus, offero Sanctitati Tuae: quò decus, & ornamentum illa suscipiant, ipse qui defero, gratiam & benedictionem: qua, vnà cum tua incolumitate, nihil magis exopto.

DE QVADRAGESIMAE

ARTICVLO I E IVNIO

DIE CINERV M.



DSVNT, Beatissime Pater, Diuinæ gratiæ reconciliationis saluberrimi dies, a piis fidelibus, ad vberiores percipiendos immensæ liberalitatis fructus, expectati quidem desiderio: Sed Sanctitati Tuæ vel optatissimi esse debent, quia curam sustines omnium animarum. Si quidem

2. Par. 7.

Isa. 49.

2. Cor. 6.

quemadmodum certis in locis exoratus, vult esse placator: sic sacratiora statuit tempora, in quibus supplicantes affluenter hauriant salutem. Hi sunt quadragesimæ dies, quos ad Diuina beneficia impetranda, sordescq. eluendas animæ, opportuniore, Spiritu sancto distante, ab initio Apostolica consecrauit Ecclesia: quocirca illa Apostoli est inuitatio, Ecce nunc tempus acceptabile, ecce nunc dies salutis.

At quo nos modo exhibere ipsi debeamus, & Dei misericordiæ occurrere parati, idem Apostolus, inter alia plurimum Deo placentia, ieiunium nobis indicit: quod Sacrosancta Ecclesia his quadraginta diebus, Christum secuta, solemni ritu feruat, & præcipit. Aptissimum quidem remedium & ad morbos iniustitiæ depellendos, & firmam cum Deo iungendam amicitiam. Et enim caro, à cuius appetitu prouenit quicquid à virtute, & ratione deficit, facile spiritui erit subiecta; si abstinentia debilitetur. Hostis etiam humani generis eò exiliores, quibus nos in malum incitet, vires habebit; si minus in nobis inue-

Inuenerit, quo impugnet. Nimirum corporis expertus, ut nos
 tentet in corpore viuentes, semper de nostro accipit anna:
 qua ratione tunc, Beati Pauli sententia, spiritali cum inimi- 1. Cor. 9.
 co pugnamus, cum carnem vexando domamus: & id est, con-
 tra Diabolum conflagrare, carnis desideria confringere. At
 versutus; & uaser, qui non vnam habet nocendi artem, vi-
 dens contra se nunc fortius bellum indictum; ducem ac ma-
 gistrum Ecclesiam, Ioelis admonitu, canere predicationis Ioel. 2.
 tuba in Sion, sanctificare ieiunium, congregare populum, se-
 nes, & paruulos vnumquemque armatum hortari ad præ-
 lium: conatus omnes acrius intendit, & quos vna via supe-
 rare nequit, altera aggreditur: ut vel mentis superbia feriat,
 quos carnis illecebris se vulnerare posse diffidit. Quippè id
 aduersario reliquum, & maximum perfugium est, in virtu-
 tum nostrarum affluentia insidias moliri occultè, ut victor
 animus de triumpho turgescat. Quod providens cauta Ma-
 ter Ecclesia, vidistis Patres Amplissimi, quale remedium
 contra superbiam adhibuerit. Sparguntur in capite cine-
 res, & Sacerdotis ore vnusquisque è terra compositus in
 terram vertendus esse admonetur: illo quasi è Diuinis scri-
 ptis inculcato, Quid superbit terra, & cinis? Et sanè quàm Eccli. 10
 appositum id etiam, ad retrahendum quemlibet à carnis
 blanditiis, ne dum ad humilem reddendum. Quis enim
 amore ab ea capietur, cui intelligit, corruptionem sem-
 per instare, breuique eam putrescere, & in sordes conuer-
 ti è. Profectò cum tanti fuerit Ionæ admonitiò, Adhuc Ion. 3.
 quadraginta dies, & Niniue subuertetur: ut idolatræ cre-
 diderint in Deum, ac poenitentes predicarint ieiunium:
 quantum apud nos valere debet Ecclesiæ præceptum, Me- Gen. 3.
 memento homo, quia pulvis es, & in puluerem reuerteris? Certè
 si auctoritas quæritur prædicantis; maior Iona est Eccle-
 sia. Si audientium conditionem attendimus; à Deo alie-
 ni nobis longè magis Niniuitæ. Si minæ pensentur; re vera
 terribile est, quadraginta diebus præfinitum expectare inte-
 ritum: sed multò terribilius, ne vlla quidem hora ab occa-
 su esse

su esse securum. Et tamen Ionæ voce ad Deum conuersi sunt
 Niniuitæ. Nos lachrymis obiurgante, vt pia Matre, Eccle-
 sia, obsurdescemus, nec commouebimur? Absit. Quin imo vt
 illi Deum expiando, quadraginta dierum præscriptum inter-
 uallum ieiunio dederunt: ita nos, quibus nulla est dies præ-
 stituta, totius vitæ emendationem hoc quadraginta dierum
 ieiunio instituamus. quod semper conducere sanctitati exi-
 stimatum, præcipuè hoc tempore est salutare: quia in hono-
 rem appropinquantis splendidissimæ diei adhibetur, quæ Do-
 mini nostri, ad expiandas omnium culpas, sed in primis vni-
 uersalem illam primorum parentum gulâ contractam, in cruce
 morientis, fert memoriam. Et quadragenario numero
 consecratur, in eiusdem recordationem totidem diebus ieiun-
 antis: quem Moyses quoque, & Elias ætate antecedentes,
 exemplo posterius sunt imitati. Nam Moyses, postquam popu-
 lum sacrificii sanguine respersit, & Elias cum subcineritium
 panem comedisset, quadraginta diebus vterque ieiunauit:
 quorum alter Domini mortem sanguinis asperzione, sepultu-
 ram alter sub cinere pane præsignificauit. Tantumque hoc
 munere profecerunt, vt Dei colloquio, congressuque digna-
 rentur: qui & factus homo, in monte gloriosus refulgens in-
 ter eosdem medius voluit apparere: vt ostenderet, se ieiunan-
 tium congressione lætari; sobrios, & abstinentes ad Deum
 contemplandum præcipuè efferrî. Illud est quod proposui, iei-
 unium, præter vitiorum expulsionem, coniunctissimam cum
 Deo efficere familiaritatem. Reliquum est, vt qui laborem
 fingentes in præcepto, tanquam graue illud declinant, vel
 cum tristitia subeunt, nunc redarguantur. Et statim occurrit
 Domini doctrina, Cū ieiunatis, nolite fieri sicut hypochritæ
 tristes. Cum enim non ex Dei amore, sed propter inanis glo-
 riæ cupiditatem corpus conficitur, mœstitia sentiatur oportet,
 cui læti animi alacritas nulla resistit. Cum verò mens spe
 æternæ mercedis exultat, gaudium non solum in cor, sed in
 externa quoque membra deriuat: quasi vnguentum sparsum
 in capite, quod in barbam, & vsque ad vestimenta descendit:

vt di-

vt dicere possit, Cor meum, & caro mea exultauerunt in Deū *Psal. 83.*
 viuum. Id est, quod Dominus ieiunanti suasisit, Vnge caput *Matt. 6.*
 tuum, & faciem tuam laua, ne videaris hominibus ieiunans,
 sed Patri tuo, qui videt in abscondito, & reddet tibi. Oleo læ-
 titiæ, Dauid nō ignoto, ob paternā à Deo recipiendam remu-
 nationem, vngi intelligitur caput, mens scilicet principatū *Psal. 44.*
 tenens. Et quia cum macie cohæret hilaritas, expellendus est
 etiam mœror, & squalor è vultu, quem lauare monemur. Ita-
 que non est asperum ieiunium; si est causa lætitiæ: nec, vt im-
 pij sibi nefariam pestem machinantur, naturæ potest esse in-
 fensum, quod naturæ præcipit auctor: qui & ad iussa exequen-
 da robur adiungit, & obstantia tollit impedimenta. Et enim *Psal. 83*
 benedictionem dabit legislator, & virtutem, vt seruetur lex.
 Nam & Israelitis præcipiens, vt ter quoque anno mares om-
 nes in vno apparerent templo: quò minus inter ea vrbes insi-
 dantium paterent incurfibus, Diuinitus prouidebat. Et se-
 primi anni quietem decernens, frugumque erogationem pau-
 peribus: ne cibos absumentibus, annona in futuro deesset, tri-
 plum sexto anno fructum terræ donabat. Si hæc auxilia, vt
 antiquam seruarent legem, tribuebat: quanto maiora adiu-
 gere censendus est, vt illa non prætermittantur, quæ & pro-
 prio fanciuit exemplo, & sanguine dedicauit? Verùm quis
 ieiunij præmium attendens, tam salutari disciplina vacabit?
 Quem Christi Domini dulcissima illa verba non inflamment,
 Pater tuus, qui videt in abscondito, reddet tibi? O præclaris-
 simam ieiunij gloriam, quod filios Dei efficit mortales. Quan-
 ta his erit remuneratio, quos pater remunerabitur? Ample-
 ctamur igitur omnes salutare præceptum: aliaque pia opera
 adiungentes, quæ ieiunium sibi connectit, orationem præfer-
 tim, & elemosynam, Dei gratiā hoc acceptabili tempore in-
 earnus, in vitam conseruemus. Breui enim esurientes, æternis *Luc. 1.*
 implebimur bonis: famemque & sitim iustitiæ, Dei satietas *Matt. 5.*
 consequetur. D I X I.

